

II - ADMINISTRACIÓN LOCAL
DEL TERRITORIO HISTÓRICO DE ÁLAVA

AMURRIOKO UDALA

Behin betiko onestea dirulaguntzen oinarri arauak

Ez denez inolako erreklamaziorik aurkeztu 2024ko aurrekontu orokorrari hasierako onespena emateko 2024ko urtarrilaren 25ean Udalbatzak hartu zuen erabakiaren aurka, behin betiko onetsitza jotzen da, Arabako Lurralde Historikoko Toki Erakundearen Aurrekontuei buruzko otsailaren 9ko 3/2004 Foru Arauaren 15.1 artikulua ezartzen duenaren arabera.

Amurrioko Udalaren dirulaguntzen oinarri arauak Aurrekontua Gauzatzeko Udal Arauaren VII. kapituluaren zeuden jasota. Hona edukia, hitzez hitz:

30. OINARRIA. AMURRIOKO UDALERRIAN BEHAR EGOERETAN DAUDENENTZAKO DIRULAGUNTZAK ESKATZEKO ETA EBAZTEKO PROZEDURA ARAUTZEN DUEN ORDENANTZA

Amurrioko Udalak 2003tik badu erregelamendu bat Larrialdi Egoeretakoa Laguntzen Udal Programaren barruan dirulaguntzak kudeatzeko. Erregelamendu hori Toki Gobernu Batzarraren erabaki bidez indargabetu zen 2012ko martxoaren 8an, hura egungo gizartearen egoerara egokitu behar zelako, udal laguntza horiek babestu beharreko egoerengatik ez ezik, haiez gozatzeko bete beharreko baldintzengatik ere. Horretarako guztirako, kontuan izan behar ziren autonomia erkidegoan ziren laguntzak, zeren eta udalaren konturako laguntzak haien subsidiarioak izango baitira.

Kontuan izanik Amurrioko Udalak emandako garrantzia premia egoeretan daudenentzako udal laguntzen sistema bat, indarrean dagoen legerian aurreikusitako beste era bateko baliabide ekonomikoen subsidiarioa eta osagarria, ezartzeari, 2024an 68.000 euro bideratu dira behar egoeretan daudenentzako udal dirulaguntzak ematera.

Dirulaguntza hauek emateko, deialdi hau onartzen da eta gauzatzea ondoko oinarrien bitartez arautuko da.

GAUZATZEKO OINARRIAK

1. Deialdiaren xedea

Deialdi honen xedea ondoko hau da: Amurrioko udalerrian premia egoeretan dauden pertsonen dirulaguntzak emateko den aurrekontu partidaren gauzatzea arautzea. Hauek indarrean dagoen legerian aurreikusitako beste era bateko baliabide ekonomikoen laguntza subsidiarioak eta osagarriak izango dira, eta hauen helburua da gure ingurunean dauden eta eska daitezkeen laguntzak osatzea eta, zenbait kasutan, haien estaldura handitzea, baita babes hori zuzentzen zaion pertsona multzoa neurri batean handitzea ere.

2. Onuradunak

Laguntza mota desberdinak eskuratu ahal izango dituzte, ordenantza honen barruan jasotzen diren kasu espezifikoetan, baldintza hauek betetzen dituzten pertsonen:

a) Amurrioko udalerrian erroldaturik egotea eta benetan egoiliarrak izatea, laguntzaren eskaera data baino 18 hilabete lehenagotik gutxienez.

b) 18 urte baino gehiago izatea.

c) Bai eskatzaileak, eta bai bere bizikidetzaren unitateko gainerako pertsonak ere, frogatu behar dute beraren ongizatera zuzendutako gizarteratze ibilbide bat egin izana. Ibilbide horren osagaitzat hartuko dira egonkortasun pertsonala eta bizikidetzaren unitatearena, gizarteratzea eta gizarte partaidetza (eta era berezian bizikidetzako ohiko ingurunean) bultzatzeko beharrezko trebetasunak eta gaitasunak garatzeko helburua duten ekintza guztiak.

d) Nahiko baliabiderik ez izatea. Horrelakorik ez dagoela iritziko da ondoko baldintza hauek betetzen direnean:

- Oinarri hauetan eta beren l. eranskinean jasotzen denaren arabera ezarritako baremoa gaintzen duen diru sarrerarik ez izatea azken urtean, edo hasitako urtean, edo laguntza eskaeraren helburu diren gastuak lotzen diren edo lotu behar diren denboraldian (Oinarritzako Gizarte Zerbitzuak berak erabakiko du adierazitako irizpide horietako zein hartuko den kontuan).

- Egoera aztertu egingo da bizikidetzaren unitate independenteen kasuan, baldin eta, lanean altan egonik eta beren soldatak kobratzeko eskubidea sortu arren, kobratzeko arazoekin badabilta: etengabeko ez ordaintzeak edo atzerapenak, egoera horiek familia unitatea egoera oso ahulean uzten baitute luzatuz gero, eta konpondu ezineko ondorioak ekar baititzakete. Eskatzaileak behar bezala egiaztatu beharko du egoera hori.

- Emango diren laguntzen ehunekoak l. eranskineko taulan (Aplikazio baremoa) ezarritakoak izango dira. Horretan sartuta dago aplikatu beharreko irizpide ekonomikoa, kontuan hartuta bai diru sarrerak eta bai diru ondarearen gehieneko muga, ezingo baitu gaintu 8.000 euroko zenbatekoa. Baremo hori egiteko, erreferentzia moduan kontuan izango da Eusko Jaurlaritzaren aurtengo gizarte larrialdietarako laguntzen programarako oro har aplikatu beharreko taula, beti horretara egokituta; hala ere, taula horretan aldaketa haxe egingo da: diru sarreraren tarte berria jarri, diru ondarearen muga lehenago adierazitakoa izanik.

- 2024ko aurrekontua gauzatzeko udal arauan sartuta dagoen ordenantza hau argitaratu ostean, eta betiere aurrez argitaratu bada Eusko Jaurlaritzaren gizarte larrialdietarako laguntzak arautzen dituen araua, udalaren webgunean argitaratuko da eranskina, zehaztuko dituen aplikatzeko baremoa eta ordenantza honetan jasotzen diren laguntza mota desberdinetan ordainduko diren gehieneko kopuruak.

- Ohiko etxebizitzaz besteko ondasunak edukitzea edo eskura izatea, banaka balioetsiko du Amurrioko Udalaren oinarritzako gizarte zerbitzuak, eta balioespen horretan oinarrituko da egindako eskaera ebazteko proposamena.

e) Etxebizitza eskatzaile bezala izena emanda egotea Eusko Jaurlaritzaren Etxebizitza Sailaren Etxebide zerbitzuan, baldin eta laguntzak alokairu gastuak ordaintzeko badira, salbu eta diru sarrerak bermatzeko errenta arautzen duen araudian jasotako salbuespenezko egoeretan edo etxebizitza eskatzeko Etxebidek hasiera batean ezarritako baldintzak betetzen ez diren kasuetan.

f) Bizikidetzaren unitate bat osatzea, laguntza eskaeraren data baino urtebete lehenagotik gutxienez. Arautegi honen ondorioetarako, bizikidetzaren unitate bat hartuko dira uneen-uneen indarrean dauden araudietan diru sarrerak bermatzeko errenta eta gizarte larrialdietarako laguntzak izapidetzeko zehazten diren pertsonak edo pertsona taldeak, odol nahiz ezkontza ahaidetasunez lotuta dauden pertsonen kasuan izan ezik, horiek guztiak bizikidetzaren unitate ekonomiko independente bakar baten barrukotzat hartuko baitira.

g) Etxebizitza edo alojamendu berean bizikidetzaren unitate bat baino gehiago izatekotan, gehienez ere bi bizikidetzaren unitate ekonomiko independentek eskatu ahal izango dute laguntza.

h) Laguntza jasotzen den denbora guztian Amurrioko udalerrian etenik gabe bizi izatea eskatuko da, bertan egiaz egoitza izatea, eroldaren baldintzaz gainera. Betebehar hori bizikidetzaren unitate ekonomiko independentea osatzen duten pertsona guztiei eskatuko zaie. Horren inguruan gertatzen diren aldaketa guztien berri eman beharko zaio oinarritzako gizarte zerbitzuari, eta berak balioetsiko ditu. Bertan bizi ez izatekotan, edo horrelako gorabeheren berri

ez ematekotan, laguntzak eten eta/edo jasotako diru kopuruak itzultzeko eskatu ahal izango da. Arrazoi horiengatik laguntza etetekotan, berriro hasiko da ordenantza honetan laguntzak eskuratu ahal izateko eskatutako egonaldia, hau da, 18 hilabete.

i) Oinarrizko gizarte zerbitzuaren proposamen teknikoa. Horri buruz, zerbitzuko teknikarien artean adostasuna izan behar da eman beharreko ebazpen proposamenean, baldin eta kasuan diren inguruabar bereziengatik oinarrietako betebeharren bat malgutu behar bada.

3. Laguntzen motak eta ezaugarriak

3. A - Laguntzen ezaugarriak:

1. Ordenantza honetan jasotzen diren laguntzak helburu jakinetarako emango dira, eta bereaiek ematean ezarritako helbururako bakarrik erabili beharko dira.

2. Indarrean dagoen legerian aurreikusten diren eta pertsona onuradunari edo bere bizikidetza unitateko kideetako edonori egokitu ahal zaizkion mota guztietako gizarte baliabide eta prestazio ekonomikoen subsidiarioak izango dira; horregatik, udal laguntza hauek subsidiario izan litezkeen eduki ekonomikoko gizarte baliabide eta prestazioen ezaugarriak (gizarte larrialdiko laguntzenak, besteak beste) aldatzen badira, horrek ekar dezake aldatzea oinarri hauetan jasotako kontzeptu batzuen indarrean egotea.

3. Eskualdatu ezinekoak izango dira, eta ezin izango dira eginbeharren berme moduan eskaini, ez eta osorik edo zati batean laga, konpentsatu edo deskontatu (bidegabe jasotako laguntzak itzultzeko izan ezik), atxiki edo bahitu, aplikagarria den Estatuaren legeria orokorrean aurreikusitako kasuetan eta mugekin salbu.

4. Premiazko egoeretarako laguntzek dirulaguntza izaera izango dute. Haiek emateko, delako ekitaldirako aurrekontuan helburu horretarako esleitutako kreditua egon beharko da.

5. Ordenantza hau argitaratu ostean egindako eskaerek atzera eragina izan dezakete 2024ko urtarilaren 1era arte, betiere aurrez ez eskatzeko arrazoia izan bada laguntza hauek arautzen dituen ordenantza argitaratu eta indarrean sartu beharra, eta Oinarrizko Gizarte Zerbitzuak irizten badio premia hori bazegoela eskaera egin aurretik.

6. Laguntza hauek emateko prozedura zuzeneko emakida araubidean izapidetuko da, deialdi honek interes publikoa, soziala, ekonomikoa edo humanitarioa duela egiaztatuta dagoela iritzita, Dirulaguntzen 38/2003 Lege Orokorrak 22-2c) artikuluan xedatutakoaren arabera.

7. Behar egoeretan daudenentzako dirulaguntzen zenbatekoa aldatu egingo da unitate ekonomiko independente bakoitzaren egoeraren arabera, baita eskatutako laguntza motaren arabera ere. Baremo ekonomikoa aplikatu eta gero ateratzen den zenbatekoa murriztu ahal izango du udalak, beharrezkoa baldin bada, aurrekontuko baliabide erabilgarrien arabera, behar egoeretan dauden bizikidetza unitate gehiagori programan sartzeko aukera emateko, betiere oinarrizko gizarte zerbitzuak proposamen txostena eman eta gero.

8. Behar egoeretan daudenentzako dirulaguntzak eta kontzeptu berberetarako izaten diren gizarte larrialdietarako laguntzak bateraezinak izango dira; dena den, udalaren partidaren konturako laguntzak gizarte larrialdietarako laguntzen programaren subsidiarioak dira beti.

9. Urtean zehar eta udal laguntzaren eskaera egin aurretik, gizarte larrialdietarako laguntzen programaren onuradun izan diren bizikidetza unitate ekonomiko independenteek oinarri hauetan araututako behar egoeretan daudenentzako dirulaguntzen programari helduta dirulaguntza eskatzen badute, lehenik eta behin, gizarte larrialdietarako laguntzen programan jaso dituzten zenbatekoak zenbatuko dira, kontzeptuetan udal programarako ezarritako mugak ez daitezzen gainditu, ezta bizikidetza unitate ekonomiko independente bakoitzak eska ditzakeen gehieneko laguntzak ez gainditzeko ere.

10. Era berean, behar egoeretan daudenentzat eman beharreko laguntzak kalkulatzeko, enplegurako pizgarriak aplikatuko dira, Eusko Jaurlaritzak gizarte larrialdiko laguntzetarako ezarritako baldintzetan.

11. Kontuan izanik udal laguntza hauek subsidiarioak direla indarrean dagoen legerian aurreikusitako gainerako dirulaguntzekiko, nagusiki gizarte larrialdietarako laguntzekiko eta diru sarrerak bermatzeko errentarekiko, oinarri hauek indarrean jarraitzeko baldintza izango da araudi horietan funtsezko aldakuntzarik ez izatea. Gizarte larrialdietarako laguntzen eta diru sarrerak bermatzeko errentaren araudietan urtero egiten diren aldaketek ekarriko dute oinarri hauek haietara era automatikoki egokitzea, betiere aintzat hartuta aipatutako subsidiariorotasun irizpidea.

12. Urte bakoitzeko azken hiruhilekoan, Amurrioko Udalaren Oinarrizko Gizarte Zerbitzuak balioespena egingo du programaren martxari buruz eta laguntza mota desberdinetan bere gain hartutako gastuari buruz.

13. Era berean, urte bakoitzeko azken hiruhilekoan, betiere aurrekontu esleipenik eta Oinarrizko Gizarte Zerbitzuaren aldeko txostenik badago, kontzeptu eta/edo bizikidetzaren unitate ekonomikoko pertsona bakoitzeko dirulaguntza bat baino gehiago ematea balioetsiko da, eskaerak jaso badira eta kontzeptu eta/edo pertsona bakoitzeko ezarritako laguntza kopurua gainditzen dutelako ebatzi gabe badaude.

3. B – Laguntzen motak: bi multzo handi ezartzen dira:

1. Gizarte larrialdietarako laguntzen araudian normalean jasota dauden gastuetarako laguntzak.

Oro har, eta kasu bakoitzean ematekoa den laguntzaren ehunekoa gorabehera, gehieneko hauek ezartzen dira kontzeptu bakoitzerako:

a) Alokairu gastuak (hilean 250 euro, gehienez).

b) Kredituen interes eta amortizazio gastuak (hilean 250 euro, gehienez).

c) Etxebizitza mantentzeko gastuak (urtean 900 euro, gehienez).

d) Energia gastuak eta beste hornigai batzuk (urtean 900 euro, gehienez).

e) Altxarien eta "linea zuriko" etxetresna elektrikoen gastuak (urtean 925 euro, gehienez). Bi familia unitate egonez gero, gehieneko muga hau izango da: erdia bakoitzarentzat.

f) Etxebizitzan egokitzeko eta konponketa edo oinarrizko instalazioak egiteko gastuak (urtean 925 euro, gehienez). Bi familia unitate egonez gero, gehieneko muga hau izango da: erdia bakoitzarentzat.

g) Oinarrizko beharretarako gastuak (urtean 1.850 euro, gehienez).

h) Aurretiazko zorpetze gastuak (urtean 1.500 euro, gehienez), betiere errespetatuz kontzeptu bakoitzerako gehieneko zenbatekoak.

— Alokairurako eta kredituen interesak eta amortizazioa ordaintzeko laguntzetan, emakida, hasiera batean, 6 hilabeterako izango da, eta ofizioz luzatu ahal izango da, baldin eta nahitaezko betekizunak betetzen jarraitzen bada, aurrekontu esleipena badago eta oinarrizko gizarte zerbitzuak aldeko txostena egiten badu. Alokairuko laguntzetan, eman daitekeen gehieneko zenbatekoa ez da inoiz ere etxebizitzaren alokairuaren ehuneko 70 baino gehiago izango, eta kredituaren interesetarako eta amortizaziorako laguntzetan, ezin izango da kredituaren hileko interesen eta hileko amortizazioaren zenbatekoaren ehuneko 70 baino gehiago izan.

— Kredituen interesak eta amortizazioa ordaintzeko laguntzak eskatu ahal izango dira, nahiz eta eskatzaileak kontzeptu berberetatik urtebetez gizarte larrialdietarako laguntzak jasotakoak izan.

— Etxebizitzaren alokairua partekatuta badago edo hartan azpierrentamendurik badago, ez da onartuko bi eskaera baino gehiago, eta laguntzaren gehieneko zenbatekoa ez da hilean 125 eurotik gorakoa izango; biak batuta, ezin izango dute etxebizitzaren alokairuaren ehuneko 80 gaititu.

— Gainerako alokairuetarako (ostatu edo apopilo kontratuak, ostatzuz egotea...) laguntzen muga, baita eman daitekeen gehieneko zenbatekoa ere, hasitako urteko gizarte larrialdietarako laguntzen programa arautzen duen Eusko Jaurlaritzaren Aginduan finkatutako irizpideak kontuan hartuta ezarriko dira.

— Babes publikoko etxebizitza motaren baten barruan dagoen etxebizitza bat jabetzan edo alokatuta daukatenean, eskaera egiten den garaian indarrean dagoen legeriak xedatutakoaren arabera, ezin izango dute alokairua edo kredituen interesak edo amortizazioa ordaintzeko edo kontzeptu horiek sortutako zorpetzerako laguntzarik jaso.

— Etxebizitza mantentzeko, energia gastuetarako eta alde zuzeneko zorpetzerako laguntzetarako, hasierako emakida aldia sei hilabetekoa izango da, luzatu egin ahal izango dena, gehienez ere, hamabi bete arte, baldin eta hasierako beharrezkin jarraitzen bada, aurrekontu esleipenari buruzko txostenik badago eta Oinarrizko Gizarte Zerbitzuen aldeko txostena bada.

— Ez da etxebizitzaren alokairurako laguntzarik emango Etxebideren etxebizitza bat alokairuan eduki eta hori erabiltzeko eskubidea galdu bada, Eusko Jaurlaritzaren Etxebizitza Sailarekin finkatutako betebeharrak edo baldintzak bete ez izanagatik. Era berean, Etxebideren etxebizitza bati uko egitea alokairua ordaintzeko laguntza ukatzeko edo eteteko arrazoiak izan liteke. Aurreko bi egoeretako zernahitan, Oinarrizko Gizarte Zerbitzuak balorazio bat egingo du premia zehazteko.

— Aurretiazko zorpetzerako ezin izango da laguntza bat baino gehiago eskatu urte berean eta kontzeptu bererako, oinarrizko beharren kasuan izan ezik, ez eta lehenengo eskaera egin zenetik hiru urte igaro baino lehen ere.

Zorpetzerako laguntzak kobratzea e), f) eta g) kontzeptuetan ez da bateragarria izango urte berean eta kontzeptu bereko gastuak ordaintzeko jaso daitezkeen laguntzekin; horrela, laguntzak bateraezina direnean, oinarrizko gizarte zerbitzuak egokien irizten dion ebazpen proposamena egingo du, kontuan hartuta, batetik, gizarte eta familia egoera eta, bestetik, erabilgarri dagoen aurrekontu kreditua.

— Gehienez ere dirulaguntza bakar bat eskatu ahal izango da urtean kontzeptu bakoitzeko, oinarrizko beharretarako dirulaguntzen kasuan izan ezik.

— Amurrioko Udalak onartutako gizarte larrialdi laguntzak emateko oinarrizko irizpideak aplikatuz, programa horretatik, bere osotasunean edo dirulaguntza eskatzeko kontzepturen batetik, at gelditzen diren pertsonak behar egoeretarako udal laguntza programa honetatik ere kanpo geldituko dira.

— Era berean, programa honetan ez jasotakoetan, kontuan hartuko dira Amurrioko Udalak gizarte larrialdiko laguntzetarako erabakitako irizpideak.

2. Gizarte larrialdietarako laguntzen araudian normalean jasota ez dauden bestelako gastuetarako laguntzak.

a) Familia mantentzeko laguntzak:

Familia mantentzeko dirulaguntza aldi behingoa edo unean unekoa da, eta eguneroko oinarrizko premiei aurre egiteko diru sarrera nahikorik ez duten pertsonentzat. Inguruabar askotan irits liteke familia unitate bat egoera horretara; oinarrizko gizarte zerbitzuak balioetsiko du egoerak berehala esku hartzea eskatzen duen, eragindako pertsonen osotasuna arriskuan badago.

Kasu hauek lagundu ahal izango dira familia mantentzeko laguntzen bidez:

1. Pertsonak edo bizikidetza unitate independenteak, baldin eta, bete arren baldintza ekonomikoak diru sarrerak bermatzeko errenta jasotzeko, ezin badute hori jaso beste baldintza batzuk betetzen ez dituztelako: 3 urte lehenagotik gutxienez Euskal Autonomia Erkidegoko udalerriren batean errolatuta daudela egiaztatzea, edo Gizarte Segurantzaren 5 urtez gutxienez kotizatu izana egiaztatzea, edo unean-unean balioets litezkeen beste batzuk.

2. Pertsonak edo bizikidetza unitate independenteak, baldin eta, lanean altan egonik eta beren soldadak kobratzeko eskubidea sortu arren, soldata kobratzeko arazoekin badabiltza: etengabeko ez ordaintzeak edo atzerapenak, egoera horiek familia unitatea egoera oso ahulean uzten baitute luzatuz gero, eta konpondu ezineko ondorioak ekar baititzakete. Eskatzaileak behar bezala egiaztatu beharko du egoera hori.

3. Aparteko izaeraz eta behin bakarrik, Oinarrizko Gizarte Zerbitzuak azter lezake laguntza hau ematea muturreko egoera bat dela irizten badio, egoera aurreikusi ezina bada eta udalaren Gizarte Zerbitzuen berehalako esku hartzea eskatzen badu; horrelakoetan, balioets daiteke oinarri hauetako baldintza orokorretako batzuk malgutu beharra.

4. Aparteko izaeraz eta behin bakarrik, familia mantentzeko laguntzak jaso ahal izango dituzte familiak, baldin eta beren ardurapean adingabeak edo mendekotasunen bat duten pertsonak badituzte eta bertan bizitzen eta errolatuta 18 hilabetetik behera badaramate, betiere Oinarrizko Gizarte Zerbitzuak irizten badio babesgabetasun egoera larri bat dagoela, familiako helduek edo zaintzaileek ezin dituztelako ase adingabeen edo mendekotasunen bat duten pertsonen gutxieneko eta oinarrizko elikadura, higiegi eta jantzi beharrak.

Familia mantentzeko laguntzen gehieneko zenbatekoak honako hauek izango dira:

- Kide bateko bizikidetza unitate ekonomiko independentea denean: dena delako ekitaldian indarrean dagoen diru sarrerak bermatzeko errentaren ehuneko 50.

- Kide biko bizikidetza unitate ekonomiko independentea denean: dena delako ekitaldian indarrean dagoen diru sarrerak bermatzeko errentaren ehuneko 50.

- Hiru kideko edo gehiagoko bizikidetza unitate ekonomiko independentea denean: dena delako ekitaldian indarrean dagoen diru sarrerak bermatzeko errentaren ehuneko 50.

- Bizikidetza independenteko unitate ekonomikoa, adingabeak edo mendekotasuna duten pertsonak badaude: Indarreko diru-sarrerak bermatzeko errentaren ehuneko 75, bizikidetza unitatearen kide kopuruaren arabera.

- Diru sarrerak delako urterako diru sarrerak bermatzeko errentaren zenbatekoa baino txikiagoak diren kasuetan, mantentze laguntzaren zenbatekoa kalkulatzeko, aurreko irizpideak izango dira erreferentzia.

Familia mantentzeko laguntzak emateko gehieneko aldiak hauek izango dira:

a) Hiru hilez behingoak: oro har, hiru hilez behin emango da laguntza, horretarako eskatutako baldintzak betetzen jarraituz gero.

b) Bi hilez behingoak: beren ardurapean adingabeak edo mendekotasunen bat duten pertsonak dituzten familiei bi hilabeterik behin emango zaie laguntza, horretarako eskatutako baldintzak betetzen jarraituz gero.

Laguntza hauek ofizioz luza daitezke, baldin eta aurrekontu esleipena badago, hasierako emakida ekarri zuten inguruabarrak mantentzen badira eta oinarrizko gizarte zerbitzuak haren aldeko proposamen teknikoak egiten badu.

Kasu batean zein bestean, kontuan hartu beharreko gehieneko epealdia diru sarrerak bermatzeko errenta jasotzeko baldintzak bete artekoa izango da.

Diru sarrerak bermatzeko errenta jasotzeko eskubidea galduz gero, ez du ezinbestean sorraraziko familia mantentzeko laguntza jasotzeko eskubidea, baldin eta galtze horren arrazoiak onuradunari egotzi ahal bazaizkie (esate baterako, interesdunaren edo bizikidetzako unitateko edozein kideren zabarkeriaren ondorioz baldintzak betetzeari uztean, edo oinarritzko gizarte zerbitzuak berak balioets dezakeen beste edozein egoeratan).

Hiru hilez behingo laguntzei dagokienean, hiruhileko naturalak hartuko dira kontuan dirulaguntza hauek emateko; beraz, hiruhilekoaren lehenengo eta bigarren hiletan egin beharko da laguntza eskaera, hiruhileko horretan kobratu ahal izateko. Laguntza eskaera hiruhileko baten azken hilean aurkeztuz gero, hurrengo hiruhilekoan emango litzateke dirulaguntza, hala balegokio.

Bi hilabeterik behin ematen diren laguntzak direla eta, bihileko naturalak izango dira kontuan, ordaintzeko eskubidea aribideko bihilekoan sortuko da, baldin eta laguntza eskaera bihileko horren lehen hilean egin bada. Laguntza eskaera bihilekoaren bigarren hilean aurkeztuz gero, hurrengo bihilekoan emango da dirulaguntza, hala badagokio.

Familia mantentzeko dirulaguntza eta diru sarrerak bermatzeko errenta ez dira bateragarriak. Halaber, behar egoeretan daudenentzako dirulaguntzei dagokienean, etxebizitzaren alokairu gastuak ordaintzeko laguntzak ez dira bateragarriak etxebizitzako gastuetarako prestazio osagarriarekin. Diru sarrerak bermatzeko errenta jasotzeko baldintzak betetzeari utziz gero, etxebizitzako gastuetarako prestazio osagarria (diru sarrerak bermatzeko errentari lotutakoa) jasotzeko eskubidea galdu ahal izango litzateke, baldin eta baldintzak betetzeari uztearen arrazoiak onuradunei egotzi ahal bazaizkie; horrek ez du ezinbestean eskubiderik sorraraziko behar egoeretan daudenek alokairu gastuetarako laguntzak jaso ditzaten.

Familia mantentzeko dirulaguntzak bateragarriak izan daitezke behar egoeretan daudenek ordenantza honetan jasotako gainerako kontzeptuetarako jaso ditzaketen dirulaguntzekin, bertan jasotako kasuetan izan ezik.

b) Ostatu eta mantenu gastuetarako dirulaguntzak, genero indarkeria egoeretan:

Ostatu eta mantenu gastuak, Amurrioko udalerriko edo inguruko ostalaritza zerbitzuetan eginak, programa honen kontura ordaindu ahal izango dira, oinarritzko gizarte zerbitzuak egoki irizten badio emakumea arriskuan dagoelako. Laguntza hori emakumearen ardurapean dauden eta bizikidetzako unitatearen zati diren adingabeei eta helduei ere eskaini ahal zaie.

Aldez aurretik, emakumearen beraren baliabideak eta haren hurbileko sare sozialak eskaintzen dituen aukerak aztertuko dira, ez da nahitaezkoa izango salatuta izatea emakumea arrisku egoeran jarri duten gertakariak. Laguntza honen helburua izango da egitateen ondoko lehenengo egunetan emakumeak eta haren ardurapean dauden adingabeek edo haren menpe eta bizikidetzako unitateko kide izanik harekin dauden pertsonen hurbileko gizarte ingurunean jarraitzea ahalbidetzea, ahal den neurrian eguneroko dinamikari eusteko asmoz (adingabeen kasuan, eskolara joaten jarrai daitezten), eta horri esker ingurunean bertan bestelako aukerak bilatzeko asmoz, edo, hori posible ez balitz, beharrezko gestioak egiteko, probintziaren barruan halako egoerarako prestaturik dauden bizitoki baliabideetan sar daitezten.

c) Bizitoki eta mantenu gastuetarako dirulaguntzak, behar larriko egoeretan:

Ostatu eta mantenu gastuak, Amurrioko udalerriko edo inguruko ostalaritza zerbitzuetan eginak, programa honen kontura ordaindu ahal izango dira, oinarritzko gizarte zerbitzuak irizten badio muturreko egoera bat dela, egoera aurreikusi ezina bada eta udalaren gizarte zerbitzuen berehalako esku hartzea eskatzen badu.

Ostalaritza zerbitzuetako ostatu eta mantenu gastuak gehienez ere hamar egunez lagundu ahal izango dira. Hala ere, Oinarritzko Gizarte Zerbitzuak balioets dezake epe hori luzatzeko beharra, baina gehienez ere bost egunez.

Multzo honetako b) apartatuan (genero indarkeria) eta c) apartatuan (behar larria) jasotzen diren egoeretan, dirulaguntza hauek jasotzeko baldintza orokorrak betetzea malgu hartuko da, oinarri hauen bigarren apartatuan ezarritako moduan, bai eta erantsitako diru baremoaren aplikazioa ere; malgu hartuko da, orobat, gainerako kasuetan behar diren agiriak aurkeztea, lehentasuna emanik berehala esku hartzeari.

Kasu batean zein bestean, udalak zuzenean ordainduko dizkie laguntza hauek ostatua eta mantenua eman duten ostalaritza zerbitzuei, apopiloaren izenean egindako faktura aurkeztu eta gero.

Oinarrizko gizarte zerbitzuak kasuz kasu balioetsiko du familia mantentzeko dirulaguntza presaz izapidetu beharra dagoen, kontuan hartuta oinarri hauetan dirulaguntza horietarako ezarritzen diren zenbatekoak.

d) Mendekotasunak gainditzeko tratamenduen kasuan, joan-etorrietarako dirulaguntzak, baita komunitate terapeutiko batean sarteak eragindako gastu pertsonalak ordaintzekoak ere.

Laguntza hauen helburua da droga mendekotasunak gainditzeko tratamendu medikoa edo terapeutikoa jasotzen duten pertsonen diruz laguntzea, aldian-aldian tratamendu zentroetara joan behar dutelako eta osasun sare publikoak ez dituelako gastu horiek estaltzen.

Oinarrizko gizarte zerbitzuak familiaren egoera orokorra ezagutu beharko duen arren, interesdunaren beraren egoera balioetsiko du honelako laguntzetarako.

Nahitaezkoa izango da tratamendu zentroaren txostena aurkeztea aldez aurretik, zeinetan azaldu behar duen interesdunak onera egin duela mendekotasunak gainditzeko bidean eta zentrori zein egunetan joan den.

Laguntza hauen bidez interesdunaren joan-etorrietako gastuak ordainduko dira, eta horretarako aintzat hartuko da tratamendu zentroak dauden tokietara garraio publikoaz joateak duen kostua, interesdunak zeinahi garraiobide erabilita ere.

Era berean, komunitate terapeutiko batean sarteak eragindako gastu pertsonalak estaltzeko ere balio dute dirulaguntza hauek; kasu horretan, hilean 80 euro emango dira, gehienez ere.

Interesdunak berak tratamendua bertan behera utziz gero, dirulaguntza eten egingo da edo ukatu egingo zaio.

Horrelako kasuetan, kontuan izanik azken xedea dela mendekotasuna gainditzeko prozesua sustatzea, funtsezko faktore den aldetik interesduna gizarteratzeko, laguntzaren eskatzaileari soilik lotutako baremo orokorra aplikatuko da (oinarri hauei erantsita doa), eta malgu hartuko da, orobat, gainerako kasuetan behar diren agiriak aurkeztea. Ezinbestekoa izango da tratamendu zentroen agiriak aurkeztea.

e) Gizarteratzeari begira egindako jardueretan parte hartzen duten buruko gaixotasunak dituzten pertsonen joan-etorrietarako dirulaguntzak.

Laguntza hauen helburua da Laudioko osasun mentaleko zentroan tratamendua edo jarraipena jasotzen ari diren eta ekonomia arazoak dituzten pertsonen diruz laguntzea, baldin eta Asasam elkarteak antolatutako eta haiek gizarteratzera bideratutako jardueretan etengabe parte hartzen badute, izan ere, zentro hori kolektibo honentzat erreferentea da inguru horretan, gizarteratze arloan, eta Laudioko osasun mentaleko zentroarekin koordinatuta.

Oinarrizko gizarte zerbitzuak familiaren egoera orokorra ezagutu beharko duen arren, interesdunaren beraren egoera balioetsiko du honelako laguntzetarako.

Nahitaezkoa izango da Asasam elkartearen aldeko txostena aurkeztea aldez aurretik, zeinetan jasota egon behar den beren-beregi osasun mentaleko arazoak dituen pertsona etengabe joaten dela zentrori eta zentrori joateak harentzat dituen onurak.

Laguntza hauen bidez interesdunaren joan-etorrietako gastuak ordainduko dira, eta horretarako aintzat hartuko da zentroa dagoen tokira garraio publikoaz joateak duen kostua, interesdunak zeinahi garraiobide erabilita ere.

Interesdunak berak zentrora joateari uzten badio, dirulaguntza eten egingo da edo ukatu egingo zaio.

Horrelako kasuetan, kontuan izanik azken xedea dela osasun mentaleko arazoak dituzten Amurrioko herritarrek gizarteratzeko jardueratan parte har dezatela sustatzea, laguntzaren eskatzaileari soilik lotutako baremo orokorra aplikatuko da (oinarri hauei erantsita doa), eta malgu hartuko da, orobat, gainerako kasuetan behar diren agiriak aurkeztea. Ezinbestekoa izango da tratamendu zentroen agiriak aurkeztea.

f) Aparteko beste egoera batzuk:

Jasotzen diren laguntzetan aukera zabala dagoen arren, oinarritzko gizarte zerbitzuan aurki litezke inoiz arau honetan aurreikusi gabeko behar kasuekin, edo, behar egoeran egon arren, araudian eskatzen diren betekizun guztiak egiaztatzerik ez duten eskatzaileekin.

Aparteko egoeretan oinarritzko gizarte zerbitzuak balioetsiko du egoera, eta aparteko egoera hori jasota geratu beharko da gizarte txostenean, zeina dagokion gizarte laguntzaileak egingo baitu eta ebazpen proposamenari erantsiko.

4. Eskabideak egiteko prozedura

1. Eskaerak aurkezteko lekua eta epea: behar egoeretan daudenentzako dirulaguntza eskaerak Amurrioko Udaleko oinarritzko gizarte zerbitzuan aurkeztu behar dira. Ordenantza hau ALHAOn argitaratu eta hurrengo egunetik aurrera aurkeztu ahal izango dira eskaerak, eta aurkezteko epea zabalik egongo da urte osoan.

2. Eskaera aurkezteak berekin dakar oinarri hauetan ezarritako baldintza guztiak erabat eta berariaz onartzea.

3. Interesdunen eskabideekin batera, honako agiri hauek aurkeztu beharko dira, salbu eta eskatutako dokumentuak dagoeneko Udalaren esku badaude; kasu horretan, eskatzaileak jasota utzi beharko du zein egunetan eta zein organo edo bulegotan aurkeztu zituen, edo, hala badagokio, zein organok eman zituen, dagokion prozedura amaitu zenetik bost urte baino gehiago igaro ez badira.

4. Hona interesdunek aurkeztu beharreko agiriak, oinarri hauetan jasotako kasuetan izan ezik:

a) Familia liburua, ezkontza ziurtagiria edo erregistratu gabeko bikoteen bizikidetzaren zinpeko adierazpena.

b) Banantze demanda edo sinatutako epaia, halakorik badute. Halakorik ez badute, gutxienez doako justiziaren eskaera aurkeztu beharko dute banantze izapideak hasteko.

c) Elkarrekin dituzten seme-alaben mantenu pentsioa ezartzen duen hitzarmen arauemailea. Hitzarmen arauemailek ez badago, hasiera batean nahikoa da doako justizia eskatzea. Lehenengo urtean, prozesu judizialean egindako aurrerapenak justifikatu behar dira. Hitzarmen arauemailea badago, baina epaileak berretsitako pentsioa ordaindu ez bada, ez ordaintzeagatik demanda aurkeztu beharko da. Hitzarmen guztiak judizialki berretsita egon behar dira, nahiz eta ados egon.

d) Pentsioa ordaindu izanaren egiaztagiria: seme-alabei mantenu pentsioa ordainduz gero.

e) Eskatzailea bizi den bizitokiko errentamendu kontratua edo beste edozein kontratu modalitate, eta bizitoki hori ordaindu duen azken hilabeteko egiaztagiria.

f) Etxebizitza jabetzan izanez gero, hipoteka maileguaren azken ordainagiriaren egiaztagiria.

g) Besteren konturako langileek: lan kontratua eta azken hiru nominak.

h) Norberaren konturako langileak (autonomoak): azken 3 hilabeteetako hileko batez besteko diru sarrera garbien zinpeko adierazpena.

i) Ezohiko beste diru sarrera batzuen egiaztagiria, baita edozein errentamendu motatatik datozenak ere, eta kobrantzaren egiaztagiria.

j) Familia unitateko kide guztien kontu korronteen, aurrezki kontuen, bonuen, akzioen, pentsio planen eta abarren banku ziurtagiriak, datu hauekin: titularrak, saldo eguneratuak eta aurreko urtean sortutako interesak. Laguntza eskatu aurreko sei hilabeteetako banku mugimenduak.

k) Jatorrizko herrialdeko ondasunen ziurtagiria. Laguntza eskatzeko, nahikoa izango da eskatu izanaren egiaztagiria edo ondasunik ez izatearen zinpeko adierazpena aurkeztea, baina gehienez ere 6 hilabeteko epean aurkeztuko da ziurtagiri hori. Errefuxiatuek edo iheslariek edo izapidetzeko eskaera onartuta dutenek ez dute ziurtagiri hori aurkeztu behar.

l) Laguntza kobratzeko kontu zenbakia jasotzen duen banku dokumentua, behar bezala beteta, laguntzaren titularrak sinatuta eta banku erakundeak zigilatuta.

m) Alarguna izanez gero, ezkontidea hiltzean egindako testamentuaren kopia, edo halakorik egin ez bada, testamendua egin ez dela adierazten duen idazkia.

n) Lehendik behar egoeretan daudenentzako udal laguntzak jaso badira eta laguntza horien egiaztagiria edo egiaztagiritako batzuk aurkeztu ez badira, agiri hauekin batera aurkeztu behar dira.

o) Beste batzuk.

Amurrioko Udalak, eskuragarri dauden datuen bitartekaritza sistemen bidez, Administrazioaren esku dauden datuak egiaztatu eta kontsultatzeko eragiketak egingo ditu, salbu eta interesdunak horren aurka dagoela adierazten badu (kasu horretan, dokumentazioa aurkeztu beharko du). Honako datu hauek ofizioz kontsultatuko dira:

— Familia unitateko kide guztien lan bizitzaren datuak.

— Diru sarrerak bermatzeko errentari buruzko datuak.

— Errenta aitorpenaren datuak.

— Familia unitatea osatzen duten pertsonen gizarte prestazio publikoei, pentsioei eta abarri buruzko datuak.

— Familia unitatea osatzen duten eta lan egiteko adinean dauden pertsonak enplegu eskatzaile gisa inskribatzeko datuak.

— Familia unitatea osatzen duten pertsonen langabezia prestazioen jasotze aldiei eta zenbatekoei buruzko datuak.

— Euskadiko eta estatuko landa eta hiri ondasunen katastro datuak.

5. Eskaerak balioestea eta ebaztea

1. Kasuan kasuko profesionalak egingo du hasierako balioespena aurkeztutako egoerari buruz eta oinarri arau hauetan eskatzen diren baldintzak betetzeari buruz, eta oinarrizko gizarte zerbitzuko profesionalen adostasuna izan beharko da egin beharreko ebazpen proposamenaren inguruan, baldin eta kasuan diren inguruabar bereziengatik beharrezkoa bada oinarrietako betebeharren bat malgutzea.

2. Oinarrizko gizarte zerbitzuak ebazpen proposamena egingo dio Amurrioko Udalaren Tokiko Gobernu Batzarrari. Ebazpena emateko bizkortasun handiagoa behar izanez gero, presako kasua delako, Alkatetzaren dekretu bidez ebaztea planteatuko da.

3. Genero indarkeria edo behar larriko egoeretako ostatu eta mantenu gastuetarako dirulaguntzen kasuan, laguntzen bigarren multzoko b) eta c) ataletan jasotakoetan, eta aintzat hartuta egoera horietan gertatzen diren inguruabar bereziak, arloko arduradun politikoak Oinarrizko Gizarte Zerbitzuak esku hartzeko proposamenari oniritzia ematen badio, laguntza eskatzen duen emakumeari berehala emango zaio laguntza, eta Alkatetzaren Dekretu bidez ebazpen proposamena egingo da.

4. Eskaeraren ebazpen erabakia, beranduenik, eskaera aurkeztu eta hiru hilabeteko epean eman beharko da. Epe hori igaro eta eskaerak ebazpen adierazirik ez badu, ezetsizat joko da.

5. Dirulaguntza ukatzeko ebazpen hori arrazoitua izango da, eta udalak eskatzaileari horren berri emango dio erabakiaren testu osoa bidalita, eta adieraziz ebazpenak administrazio bideari amaiera ematen dion edo ez, zer errekurtsio jar daitezkeen, eta zein organori eta zer epetan aurkeztu behar zaizkion.

6. Ebazpena jakinaraztea

Udaleko organo eskudunak eskaera ebatziko du, eta ebazpena idatziz jakinaraziko zaio eskatzaileari, alderdi hauen gaineko informazioa emanez:

- a) Laguntza ematen edo ukatzen den.
- b) Laguntza onartzen bada, horren zenbatekoa.
- c) Ordaintzeko era.
- d) Justifikatzeko era eta epea.

7. Laguntza eman ondorengo protokoloa

Laguntza emateko ebazpena eman ondoren, onuradunak honako konpromisoak hartzen ditu:

- a) Jasotako prestazioa eskatu zen helbururako erabiltzea.
- b) Amurrioko Udalari frogatzea betekizunak eta baldintzak betetzen direla, eta emandako laguntzaren helburua zen gastua egin dela, justifikazioari eta jarraipenari buruzko oinarrietako 9. puntuan ezarritakoaren arabera.
- c) Udalari jakinaraztea hasiera batean hartutako ebazpenari eragin diezaioketen gizarte eta familia egoeraren aldaketak.
- d) Amurrioko Udalari jakinaraztea beste laguntza, diru sarrera edo baliabide batzuk eskuratu direla, emandako laguntzen helburu diren gastuak finantzatzeko.

e) Amurrioko Udalak egiaztatu egingo du, ordenantza honetan ezarritako bitartekoak edo egoki iruditzen zaizkion bestelako batzuk erabiliz, emandako diru kopuruak nahi izandako helburuetarako egoki erabili diren; horretarako, gastua kontrolatuko du, eta, hala behar izanez gero, erantzukizunak eta funtsak itzultzeko eskatuko du, laguntzak ematea eragin zuen helburua bete ezean.

8. Laguntzak ordaintzeko modua

Laguntzak ordainketa bakarrean ordainduko dira unean uneko laguntzak direnean, eta, aldiz, hilean behin, aldian behingo laguntzak direnean.

9. Justifikazioa eta jarraipena

Emandako laguntzak justifikatzeko, egiaztagiria aurkezteko epea hilabete izango da, ebazpena jakinarazten den egunetik aurrera, laguntza ordainaldi batean ematekoa bada, ordainaldi bakarreko gastuetarako. Alokairu gastuak edo etxebizitza edo bizitokia erostearen ondorioz gizarte larrialdiko egoera baino lehen hartutako kredituen interesetatik edo amortizaziotik sortutako gastuak ordaintzeko laguntzak zatika ordaintzekotan, laguntza emateko ebazpenean ezarriko da onuradunak gastu horien egiaztagiria aurkeztu beharko dituela seihilekoan behin. Sei hileko aldi hori beharrezkoa iritzi bezainbat laburtu ahal izango da, eskatzailearen mugikortasun handia nabaritzen den kasuetan, alegia eskatzailea bizilekuz maiz aldatzen dela.

Ordainaldi bakarrek egitekotan onuradunak egin beharreko ordainketa zatikatu behar den kontzeptuetarako (oinarrizko beharren atalean jasotzen diren zenbait kontzeptu, hala nola osasun publikoak ematen ez dituen tratamenduak, premia biziko produktuen erosketa, esaterako jantziak, oinetakoak...), laguntza emateko ebazpenean ezarriko da onuradunak gastu horien frogagiriak aurkeztu beharko dituela erreferentziatzeko profesionalak egindako proposamen teknikoan ezarritako aldietan. Gastua eta dagozkion frogagiriaren aurkezpena, laguntza ematen den urtea bukatu eta gero egin ahal izango dira, baldin eta haren ebazpena urteko azken hiruhilekoan ematen bada eta gastuaren izaerarengatik bidezkoa bada.

Hura frogatzeko aurkeztu daitezkeen agiriaren artean, ordainagiri pribatuak, jatorrizko fakturak, egindako gastuak bankutik ordaindu izanaren agiriak, eta ordainagiriak daude, gastu hauetarako: alokairua, etxebizitza mantentzeko gastuak eta etxebizitza kredituen interesak eta amortizazioa.

Ez dira justifikatuko familia mantentzeko laguntzak. Dena den, kasu horretan esku hartzen duten beste gizarte agente batzuekin koordinaturik, Oinarrizko Gizarte Zerbitzuak onuradunaren gizarte eta familia egoeraren jarraipena egingo du, eskatzaileak zein bere bizikidetzaren unitateko gainerako pertsonak beraren ongizatera zuzendutako gizarteratze jarduketak zein neurritan egin dituzten balioesteko.

10. Laguntza galtzea

Pertsona onuradunek deialdi honen bidez emandako laguntzak gal ditzakete, aurrez espedienteak irekita, honako kasu hauetan:

- a) Datuak faltsutzen badira laguntza eskaeretan edo aurkeztutako agirietan.
- b) Emandako laguntza aurkeztu eta onetsitako helbururako erabili ez bada.
- c) Laguntzaren justifikazioa ezarritako epean aurkezten ez bada, berariaz eskatu arren.
- d) Laguntzaren zenbatekoak, berak bakarrik edo beste laguntza batzuekin batera, diruz lagundutako gastu osoa gainditzen badu.
- e) Oinarri hauetan eta laguntza emateko ebazpenean ezartzen diren betebeharretakoren bat betetzen ez bada.
- f) Laguntza galtzeak ekarriko du itzuli beharra ordura arte jasotako kopuruak eta ordaindu beharra berandutze interesak, dirulaguntza ordaindu zen unetik itzuli egin behar dela erabakitzen den arte diru horrek sortutakoak, Amurrioko Udalarentzako transferentzia baten bidez.

Edozein modutan, jasotako dirulaguntzak itzuli egin beharko dira, halaber, Dirulaguntzei buruzko azaroaren 17ko 38/2003 Lege Orokorrak 36. artikuluan eta hurrengoetan ezarritako kasuetan, eta bertan ezarritako baldintzekin.

11. Arau hausteak eta zehapenak

Deialdi honekin lotutako arau hauste eta zehapenetarako, emandako dirulaguntzei dago-kienez, Dirulaguntzei buruzko azaroaren 17ko 38/2003 Legea Orokorrak 52.etik 69.era bitarteko artikuluetan xedatutakoa aplikatuko da.

12. Araubide juridikoa

Oinarri hauetan xedatu ez den guztian, honako hauetan ezarritakoa aplikatuko da: Amurrioko Udalak onetsitako araudia, Toki Korporazioen Zerbitzuen Arautegia, Dirulaguntzen azaroaren 17ko 38/2003 Lege Orokorra, hura garatzen duen Arautegia (887/2006 ED, uztailaren 21ekoa) eta aplikatzekoa den gainerako legeria osagarria.

13. Hedapena

Behar egoeretarako dirulaguntzak arautzen dituen ordenantza honi ahalik eta zabalkunderik handiena emateko, argitaratuko da ALHAOn, Amurrioko udaletxeko iragarki taulan, Hauxe da aldizkarian eta udalaren webgunean.

1. eranskina

Laguntzen zenbatekoa kalkulatzeko erreferentziako baremo ekonomikoa deialdiaren aurreko urtekoa bada ere, bizikidetza unitatearen tamainaren arabera urteko diru sarreraren mugari buruzko I. eranskina urtero eguneratuko da. Horretarako, Eusko Jaurlaritzako Enplegu eta Gizarte Politiketako Sailak gizarte larrialdietarako laguntzetarako oro har onartzen duen urteko baremoa hartuko da erreferentziazat, eta horri dagokionez, udal larrialdietarako laguntzei dagokien ehuneko 48ari dagokion tartearen eguneratuko da.

ORO HAR APLIKATZEKO 2023AN			
URTEAN GEHIENEZ IZAN DAITEZKEEN DIRU SARRERAK, BIZIKIDETZA UNITATEAREN (BU) TAMAINAREN ARABERA			
EHUNEKOAK	PERTSONA 1	2 PERTSONA	3 PERTSONA EDO GEHIAGO
	848,64	1.089,72	1.205,45
100	10.183,68	13.076,64	14.465,40
99	10.285,52	13.207,41	14.610,05
98	10.387,35	13.338,17	14.754,71
97	10.489,19	13.468,94	14.899,36
96	10.591,03	13.599,71	15.044,02
95	10.692,86	13.730,47	15.188,67
94	10.794,70	13.861,24	15.333,32
93	10.896,54	13.992,00	15.477,98
92	10.998,37	14.122,77	15.622,63
91	11.100,21	14.253,54	15.767,29
90	11.202,05	14.384,30	15.911,94
89	11.303,88	14.515,07	16.056,59
88	11.405,72	14.645,84	16.201,25
87	11.507,56	14.776,60	16.345,90
86	11.609,40	14.907,37	16.490,56
85	11.711,23	15.038,14	16.635,21
84	11.813,07	15.168,90	16.779,86
83	11.914,91	15.299,67	16.924,52
82	12.016,74	15.430,44	17.069,17
81	12.118,58	15.561,20	17.213,83
80	12.220,42	15.691,97	17.358,48
79	12.322,25	15.822,73	17.503,13
78	12.424,09	15.953,50	17.647,79
77	12.525,93	16.084,27	17.792,44
76	12.627,76	16.215,03	17.937,10
75	12.729,60	16.345,80	18.081,75
74	12.831,44	16.476,57	18.226,40
73	12.933,27	16.607,33	18.371,06
72	13.035,11	16.738,10	18.515,71
71	13.136,95	16.868,87	18.660,37
70	13.238,78	16.999,63	18.805,02
69	13.340,62	17.130,40	18.949,67
68	13.442,46	17.261,16	19.094,33
67	13.544,29	17.391,93	19.238,98
66	13.646,13	17.522,70	19.383,64
65	13.747,97	17.653,46	19.528,29
64	13.849,80	17.784,23	19.672,94
63	13.951,64	17.915,00	19.817,60
62	14.053,48	18.045,76	19.962,25

ORO HAR APLIKATZEKO 2023AN			
URTEAN GEHIENEZ IZAN DAITEZKEEN DIRU SARRERAK, BIZIKIDETZA UNITATEAREN (BU) TAMAINAREN ARABERA			
EHUNEKOAK	PERTSONA 1	2 PERTSONA	3 PERTSONA EDO GEHIAGO
61	14.155,32	18.176,53	20.106,91
60	14.257,15	18.307,30	20.251,56
59	14.358,99	18.438,06	20.396,21
58	14.460,83	18.568,83	20.540,87
57	14.562,66	18.699,60	20.685,52
56	14.664,50	18.830,36	20.830,18
55	14.766,34	18.961,13	20.974,83
54	14.868,17	19.091,89	21.119,48
53	14.970,01	19.222,66	21.264,14
52	15.071,85	19.353,43	21.408,79
51	15.173,68	19.484,19	21.553,45
50	15.275,52	19.614,96	21.698,10
48	17.311,75	22.229,63	24.590,46

2. eranskina

Onesteko unean dokumentuan erreferentzia gisa aurreko urteko diru-sarrerak bermatzeko errentari dagozkion zenbatekoak agertzen badira ere, laguntzak kalkulatzeko beti kontuan hartuko dira izapidetzeko unean indarrean dagoen diru-sarrerak bermatzeko errentari dagozkion zenbatekoak.

DIRU SARRERAK BERMATZEKO ERRENTAK 2023AN BERMATUTAKO GUTXIENENKO DIRU SARRERAK, oro har

(Bizikidetza unitateko kide kopuruaren arabera).

BIZIKIDETZA UNITATEKO (BU) KIDE KOPURUA	DSBEREN ZENBATEKOA (EURO HILEAN)
Pertsona bat	800,28 euros
2 pertsona (2 heldu) *	1.067,04 euros
2 pertsona (heldu 1, adingabe 1)	1.093,72 euros
3 pertsona (3 heldu)	1.227,10 euros
3 pertsona (2 heldu, adingabe 1)	1.227,10 euros
3 pertsona (heldu 1, 2 adingabe) *	1.253,77 euros
4 pertsona (4 heldu)	1.387,15 euros
4 pertsona (2 heldu, 2 adingabe)	1.387,15 euros
4 pertsona (heldu 1, 3 adingabe)	1.413,83 euros
5 pertsona (2 heldu, 3 adingabe)	1.547,21 euros
5 pertsona (heldu 1, 4 adingabe) *	1.573,88 euros

* Zaintza eta jagoletza exekutiboa duen gurasoari dagokion 133,38 euroko guraso bakarreko osagarria barne hartuta kalkulaturako zenbatekoak.

31. OINARRIA. AMURRIKO UDALEKO DIRU SARRERETAKO PARTAIDETZA AMURRIKO UDALERRIKO ADMINISTRAZIO BATZARREN ARTEAN BANATZEKO OINARRIAK

Lezamako eta Arrastariko udalerriak Amurriko udalerriari eransteko prozesua 1976an amaitu zenetik, udalaren diru sarreretan partaide izateko eredia finkatu zen Aloria, Artomaña, Baranbio, Delika, Larrinbe, Lekamaña, Lezama, Saratxo eta Tertangako administrazio batzarrentzat.

Administrazio batzar horietako bakoitzak bilakaera desberdina izan du biztanle kopuruaren aldetik, eta ikuspuntu geografikotik ere aldeak daude; horregatik, komeni da banaketa irizpide objektibo batzuk ezartzea, batetik, batzar bakoitzari gutxieneko finantzaketa bat ziurtatzeko, eta, bestetik, irizpide horiek egokitu daitezen biztanle kopuruaren aldaketetara eta administrazio batzar bakoitzak ematen dituen zerbitzuetara.

Beharrezkoa da, halaber, epeak finkatzea Amurriko Udalak batzarrei diru sarreretan duten partaidetza ordaintzeko, neurri horrekin administrazio batzarrek aukera izango baitute finantza kontuak hobeto planifikatzeko.

Horrez gainera, hirigintza jarduerak batzar bakoitzak eman beharreko zerbitzuetan duen eragina aintzat hartuta, egokitzen jo da administrazio batzarren partaidetzari gehitzea bakoitzak bere lurraldean eraikuntzen, instalazioen eta obren gaineko zergan benetan bildutako diru kopuruaren erdia.

Horretarako, guztizko funtsa lau tarte desberdinetan banatzea proposatzen da:

- Tarte finkoa: zati berdinetan banatuko da administrazio batzar guztien artean.
- Tarte aldagarria: batzar bakoitzak Arabako toki erakundeak finantzatzeko foru funtsetik jasotzen duen ehunekoaren arabera; banaketa hori irizpide hauekin egiten da:
 - Biztanleria.
 - Etxebizitzak.
 - Ur hornidura, klorazio eta saneamendu zerbitzua.
 - Argiteria publikoaren zerbitzua.
 - Hilerriko zerbitzua.
 - Gizarte etxea egotea.
- Konpentsazio funtsa: administrazio batzar bakoitzari ziurtatzeko jasoko dituela, gutxienez, 2008ko aurrekontuetan esleitu zitzaizkion zenbateko hauek:

ADM. BATZARRA	TARTE ALDAGARRIA (EURO)
Aloria	7.385,74
Artomaña	9.006,74
Baranbio	14.838,33
Delika	12.967,38
Larrinbe	16.423,74
Lekamaña	6.924,30
Lezama	17.112,69
Saratxo	14.330,30
Tertanga	10.320,83
	109.310,05

- Aparteko tarteak: urtero aldatuko da, administrazio batzar bakoitzean eraikuntzen, instalazioen eta obren gaineko zergaren behin betiko likidazio gisa benetan bildutako diru kopuruaren arabera.